

黃氏逸書考

黃右原先生世爲富商獨矯然以讀書稽古
爲樂曾輯佚書二百八十餘種工甫竣值咸
豐兵燹避亂鄉居板存蕭寺先生旋捐館舍
寺僧不知護惜散失數十種先生爲先君
執友余生也晚不克親承警欬而獲交長君
輝山顓次君叔符澧兩君言當日編輯時每
成一種卽以付刊現存樣本一部仍有刊成
而未經印樣者如干種已而輝山下世光緒
年間有書客請於叔符爲之經理印行諱言

板缺以冀易售沿張香濤書目答問之誤名
曰漢學堂叢書張實未見原書也叔符通德
堂經解跋尾謂爲漢學堂逸書考逸書考是
也漢學堂則誤矣叔符能讀父書不應悖謬
若是此跋必爲雁作按原書分四類屬於經
者曰漢學堂經解屬於緯者曰通緯識附焉
屬於子史者曰子史鈎沈屬於鄭氏之學者
曰通德堂經解各類篇首下方統曰逸書考
是不得以漢學堂概全書也明矣比時樣本

尙存叔符欲俟補刊完全再爲行世遽爾印
行非其意也故一切聽客所爲無何叔符又
作古人板亦售出樣本亦散失曩在粵中有
以此板求售者因購得之僅存二百二十六
種叔符曾示手鈔原目以之相校缺五十餘
種竊意此五十餘種必尙在人間冀旦暮獲
之數年以來果續得殘板數十種惟缺葉甚
多姑留以有待同里秦君曼青更年博雅士
也癸亥春間得樣本於滬上飛函見告屬將

所缺葉數開示鈔錄見惠於以復還舊觀統
計二百八十五種亟命孫承霖分任校讎以
付剞劂凡再期而歲事名曰黃氏逸書考庶
不悖先生本旨顧先生輯是書也聚書數十
萬卷積數十年精力而後成書阨於兵燹幾
致湮沒乃散而復聚缺而復完斯文不墜冥
冥中有呵護之者蓋先生編輯之苦心天固
不欲負之也是役也秦君實爲先生功臣而
余得假手附以不朽用此自多矣乙丑孟夏

王鑒識

甘泉黃右原先生出江鄭堂門下阮文達尤
亟稱之故其著述博瞻有根柢所輯逸書考
網羅至數十百種尤極翔洽惜付刊甫竣卽
遭洪楊之亂先生旋亦歸道山遺版寄僧廡
且就放失清季光緒間有書客某請於先生
仲子澧爲之略事鳩繕舍其不完整及漶漫
過甚者僅存二百二十餘種並妄更名爲漢
學堂从書未幾又輾轉售之邑人王鑑復爲
之陸續搜補兼得江都秦更年君鈔目共增

益五十九種仍正其名曰黃氏逸書考惟王氏對於校勘頗疎且忽促藏事缺版斷葉之處舉未是正學者病焉民國二十年秋江淮大浸版復圯於水乃展轉再歸於圻清檢後不期殘失近千餘番惟念鄉邦文獻所繫有未忍忽然者適知友葉君仲經夙擅版本目錄之學與謀及此慨以讐校爲已任歷時二載徵引不厭求詳務祛黃王兩家因陋就簡諸弊遂使神明煥然頓還舊觀且質諸南通

周君雁石又於揚州故家獲得先生手稿二十餘冊靡特補訂譌繆不少且王氏所印行之二百八十五種外復溢出謝承後漢書曹嘉之晉紀二種並以付梓恐當時原輯未刊或刊而遺逸者雖尙不止此數要對於右原先生庶可忝附知已矣至葉君仲經謂黃氏能返未返之魂朱君能返黃氏之魂則吾豈敢溯自甲戌始丁丑迄工迨四易寒暑殺青有日因略述其緣起如此江都朱長圻甸清

朱序

甫識於京寓

刊

書經秦火之後又繼以四阨故匪獨先秦古籍日就淪亡卽漢唐以來藝文經籍諸志所見著錄者亦渺百不存一而吾人切望求知每有書已亡佚猶蘄向旦暮遇之於是多方搜覓至延訪之路旣窮縱明知殘缺不完或且奉爲瓊寶此晚近輯逸之風蓋有由來矣惟六朝迨唐宋止聞拾遺補闕之工作如補闕于補妬記之倫與原書了不關涉雖黃伯思東觀餘論謂相鶴經係從意林文選註鈔

出及唐人小說文集間賴有宋人掇拾而成
究因不註出處末由徵信至有宋之季王深
寧始刺取註疏釋文中單辭剩語排比成書
作周易鄭氏註三家詩攷又別出武王踐祚
記於大戴禮然後輯書之規模粗具洎乎明
代未聞嗣響卽二張之於漢魏六朝別集蒐
採號爲繁博惜其不引出典則相同及清中
葉東吳惠氏易漢學九經古義興化任氏小
學鉤沈斯可稱輯逸之正軌爾後孫星衍嚴

可均洪頤煊等無不聞風興起而金谿王氏
謨漢魏遺書鈔及漢唐地理書鈔裒集至數
十百種歷城馬氏國翰更有七百餘種之多
可謂輯逸之大成焉顧輯書匪難而求免脫
誤諸病尤難如馬氏以史記索隱引魯連子
下云其今衛州其城縣乃司馬貞之按語遂
誤連本文藝文類聚稱別錄引尹都尉書有
種葱篇下云曹公既與先主云云明係別引
一書乃作尹說此誤之甚者也顏延之庭誥

不錄本傳釋智匠古今樂錄於樂府詩集半
取半未取此漏之甚者也或見漢書律曆志
引易傳有辰有五子之語卽以當古五子天
文志載十八妖星五殘卽錄其文當五殘雜
變星書甚至孝經邢疏所云舊說與諸家說
原無主名時代悉當安昌侯說而魯詩悉歸
故則安知其無說齊詩悉歸傳則安知其無
故韓詩則除標明傳者其餘更憑臆斷此類
皆馬氏之失再以馬而例諸家恐其亦復不

免止甘泉黃右原先生係江鄭堂晚年高弟
雖起家貲郎而能斂學靡倦至爲阮文達公
所稱許嘗輯經解逸書考通緯逸書考子史
鉤沈逸書考又輯爾雅古義通德遺書等與
馬氏一南一北同時互相輝映雖數量未迨
馬氏至於疵類每則較馬氏爲少其優於各
家輯本者蓋可得而言矣馬氏引京氏易每
卦悉注某宮某世本出於經典釋文但牽涉
占驗災異恐非章句之旨黃氏退爲附錄最

允顧彪尙書義疏黃氏止引隨便而言無義
例也二句而後五句是正義文馬氏不知因
此致誤干寶周官傳疏引司會一段三禮義
宗引玉海暨王應電周官註疏刪翼又均爲
馬氏之未及范子計然淮南萬畢術亦視孫
洪本較增九家晉書則湯氏球輯本每以姓
分自不如黃氏依原史之序次爲妥八家後
漢書豈但姚之駟所不逮卽孫志祖當之且
有遜色豈獨爾雅古義中引周禮疏典禮之

常也是孫炎佚文而虞氏易及鄭氏尙書與
論語更幾於隻字靡遺焉尤其引緯書有所
謂清河郡本者非僅孫穀古微書所未見卽
趙在翰林春溥喬松年諸氏號爲緯書專家
亦鮮稱道計有河圖九種雒書二種易緯四
種書緯六種詩緯二種禮緯三種樂緯三種
春秋緯十三種孝經緯三種率鄭玄註宋均
補授受分明決非僞託至引通卦驗當至不
至則療人以朮蘭未當至而至則療人以芩

菊各條文義古奧猶非晚周先秦人不辦恨
讀書未多末由徵其所出深爲可惜餘若開
元占經北堂書鈔之類必據舊鈔本此其謹
嚴不苟尙稱餘事耳或疑右原所著書卽出
於鄭堂之手者但據阮公言其稿皆巾箱小
本細書狹行朱墨紛雜偶得一條卽注貼籤
且寫且校嘗見黃氏手稿十數冊與阮公所
稱一一符合足見古人之不我欺也顧黃氏
書成旋遭紅羊劫火版闕有間書估某遂以

殘本充完本付印稱漢學堂叢書後經江都
王氏從事補校雖多出五十餘種而讐勘不
精且漫漶之處亦未能補全缺憾王故後因
乏人經理適值辛未江淮大浸版復散失壬
申春邑人朱君甸清輾轉獲其殘版於王氏
思爲理董之惟凌亂無序廢年餘之力始稍
還舊觀但缺葉幾至千餘因謀及於下走余
緬鄉邦文獻乃付之若存若亡之間不得與
玉函山房媲美此承學之士所羞也緣不揣

檮昧遂發篋取黃氏原引之書逐葉補苴完善暨王氏所有爛版亦且命工重刻庶幾黃氏每稱返魂本者是黃氏可以返未返之魂然則黃氏得遇朱君豈非能返黃氏之魂者歟顧朱君尙欲然不自滿於是再倩南通周雁石氏董復校之任或有所疑更躬親考訂思致誤之由而後已頃者剞劂將竣欣觀成之有日矣特述其緣起以當序首民國丁丑孟春江都葉仲經識於首都之中央圖書館

凡例

是書分四類曰漢學堂經解二百一十二種
曰通緯七十二種曰子史鉤沈八十四種曰
通德堂經解十七種共二百八十五種通計
七千三百九十三篇

是書當先生在日未經行世只印樣本一部
以備校勘

樣本之外仍有已刊而未印者十餘種故全
目未刊光緒年間印行時所編目錄非先生

之舊也茲仍用叔符手鈔者以存廬山眞面
秦君所補計完書三種曰河圖曰河圖聖治
符曰京房易雜占條例法并各種闕葉二百
數十篇

王隱晉書叔符在日板尙存書客因缺十數
葉未經印行此板後來不知落於誰氏之手
謝君少華錫恩叔符中表也曾與印書事宜

以一部見贈十年前孫承霖因事到郡於書
肆殘書中見有王隱晉書亟購歸以少華所

贈本比對除原缺十數葉外又缺三十餘葉
共缺五十餘葉削去右原先生之名易爲汪
中其騎縫記數之字挨次更改使閱者不覺
其缺原書標題下有附地道記四小字亦削
去地道記板現存可知此書非容甫先生所
輯容甫先生著作甚富
從未聞有輯書之舉其缺葉亦由秦君補
全茲特重刊俾和璧仍歸趙氏以免誣前人
而惑後學

康成年譜本載高密遺書中高密遺書板已

無存姑附通德堂經解之末阮文達公高密
遺書序亦附焉

唐明皇月令注解或謂當入經類按月令在
禮記次第六明皇刪改鄭注俾李林甫陳希
烈等爲之解升爲篇首殊失注經體例惟開
成石經從之當時但單行耳先生退之於子
史類誰曰不宜

黃氏逸書考目錄

漢學堂經解

子夏易傳

孟喜易章句

京房易章句

馬融易傳

劉表易章句

宋衷易注

荀爽易言

董遇易章句

王肅易注

陸績易述

虞翻易注

姚信易注

干寶易注

陸希聲易傳

徐邈易音注

莊氏易義

九家易集注

翟子元易義

張氏易注

向秀易義

王虞易注

張璠易集解

黃穎易注

范長生易注

劉瓛乾坤義

目錄

劉瓛繫辭疏

褚氏易注

周氏易注

何妥周易講疏

侯果易注

崔憬易探玄

薛虞易音注

盧氏易注

易雜家注

歐陽生尚書章句

顧彪尚書義疏

申培魯詩傳

轅固齊詩傳

韓詩內傳

毛詩馬融注

毛詩王肅注

毛詩王基申鄭義

孫毓毛詩異同評

周官馬融傳

周官千寶注

馬融儀禮喪服經傳

王肅儀禮喪服注

射慈喪服變除圖

射慈禮記音義隱

雷次宗喪服經傳注

盧植禮記解詁

蔡邕月令章句

蔡邕月令問答

蔡邕明堂月令篇

阮湛三禮圖

崔靈恩三禮義宗

賈逵春秋左氏解詁

服虔春秋左氏傳解詁

京相璠春秋土地名

劉炫春秋左氏傳述義

嚴彭祖春秋盟會圖

一
縻信春秋穀梁傳注

范寧穀梁傳例

樂資春秋後傳

劉向五經通義

雷次宗五經要義

譙周五經然否論

房景先五經疑問

劉熙註孟子

劉炫規過

爾雅古義

阮文藻序

李星沅序

黃爵滋序

朱珔序

總序

左列

十家亦均有序

慮其散落故特記之

健爲文學注

樊光注

李巡注

孫炎音注

郭璞音義

郭璞圖贊

沈旋集注

施乾音

謝嶠音

顧野王音

眾家注

韋昭辨釋名

蒼頡篇

楊雄蒼頡訓纂

郭璞三蒼解詁

郭璞倉頡解詁

樊恭廣蒼

張揖埤蒼

司馬相如凡將篇

服虔通俗文

蔡邕勸學篇

張揖古今字詁

李彤字指

阮孝緒文字集略

何承天纂文

纂要

曹憲文字指歸

宋世良字略

楊承慶字統

諸葛穎桂苑珠叢

陸善經字林

字書

小學

李登聲類

開元文字音義

李槩音譜

附聲譜

陽休之韻略缺

呂靜韻集

孫恂唐韻

顏真卿韻海鏡源

李舟切韻

通緯

河圖

河圖緯

河圖括地象

附括地圖

河圖帝覽嬉

河圖稽命徵

河圖稽耀鉤

河圖握矩記

河圖錄運法

河圖挺佐輔

河圖玉版

龍魚河圖

河圖始開圖

雜書

雜書甄曜度

一作乾曜度

雜書靈准聽

雜書摘六辟

易緯

易乾鑿度鄭氏注

易乾坤鑿度鄭氏注

易是類謀鄭氏注

易坤靈圖鄭氏注

易乾元序制記鄭氏注

易辨終備鄭氏注

易稽覽圖鄭氏注

易通卦驗鄭氏注

尚書緯

尚書考靈曜

尚書琬璣鈴

尚書帝命驗

尚書刑德放

尚書運期授

尚書中侯

詩緯

詩含神霧

詩推度災

詩汎歷樞

禮緯

禮含文嘉

禮稽命徵

禮斗威儀

樂緯

樂協圖徵

樂動聲儀

樂稽耀嘉

春秋

春秋演孔圖

春秋說題辭

春秋元命苞

春秋文耀鉤

春秋運斗樞

春秋感精符

春秋合誠圖

春秋攷異郵

春秋保乾圖

春秋佐助期

春秋握誠圖

春秋潛潭巴

春秋命麻序

春秋內事

論語摘輔象

論語摘衰聖

孝經

孝經緯

孝經鉤命決

孝經援神契

孝經內記圖

附識

河圖聖治符

論語撰考識

論語比考識

孝經雌雄圖

遁甲開山圖

子史鉤沈

魏文帝典論

楊泉物理論

六韜

李悝法經

董仲舒公羊治獄

譙周法訓

范子計然

神農本草經

劉洪乾象術

劉向洪範五行傳

京房易雜占條例法

郭璞易洞林

衛元嵩易元包

淮南萬畢術

劉歆鍾律書

蔡邕琴操

釋智匠古今樂錄

魏皇覽

逸莊子

莊子司馬彪注

許慎淮南子注

竹書紀年

張霸尚書百兩篇

鄭眾國語解詁

賈逵國語注

唐固國語注

王肅國語章句

孔晁國語注

虞翻國語注

孔衍春秋後語

陸賈楚漢春秋

譙周古史考

薛坐後漢記

華嶠後漢書注

謝沈後漢書

目錄

袁山松後漢書

張璠後漢記

虞豫晉書

朱鳳晉書

何法盛晉中興書

謝靈運晉書

臧榮緒晉書

陸機晉書

王隱晉書

附地道記

干寶晉紀

習鑿齒漢晉春秋

鄧粲晉紀

劉謙之晉記

王詔之晉安帝記

徐廣晉記

孫盛晉陽秋

檀道鸞續晉陽秋

劉道蒼晉起居注

眾家晉史

傅暢晉諸公讚

荀綽晉後略

盧綝晉八王故事

盧綝晉四王遺事

伏侯古今注

王粲英雄記

司馬彪戰略

司馬彪九州春秋

郭氏玄中記

余知古渚宮舊事

唐濮王泰等括地志

晉太康三年地記

王肅喪服要記

趙歧三輔決錄

劉向孝子傳

蕭廣濟孝子傳

師覺授孝子傳

王隆漢官解詁

漢官

應劭漢官儀

蔡質漢官典儀

丁孚漢儀

晉百官名

傅暢晉公卿禮秩

荀綽晉百官表注

載聖石渠禮論

衛宏漢舊儀

董勛問禮俗

唐明皇月令注解

通德堂經解

周易注

有序

尙書大傳注

尙書古文注

毛詩譜

答臨孝存周禮難

魯禮禘祫義

喪服變除

三禮目錄

駁五經異義

孝經解

鍼膏肓

釋廢疾

發墨守

六藝論

鄭志 有序

論語篇目弟子

論語注

年譜 此係高密遺書中之一種姑附此

阮文達公高密遺書序 附列於此

續刻

謝承後漢書 列於譙周古史考後

曹嘉之晉紀 列於徐廣晉紀後

民國乙亥春於蘇州購得黃氏手輯子史

鈞沈原稿二十餘冊內有謝承後漢書曹
嘉之晉紀二種尙未刻入因剗剗將竣姑
附於此雖不免好事之譏回想當年黃氏
輯而未刊或刊而湮沒者不知凡幾也丁
丑仲夏邑人朱長圻又識

漢學堂經解

逸書考

子夏易傳

甘泉黃奭學

上經 正義序子夏傳分爲上下二篇

乾

乾元亨利貞

魏濬易義古象通引注首四句以下皆孔疏

元始也亨通也利和也貞正也言乾秉純

陽之性

正義作言此卦之德有純陽之性

故能首出庶物

各得元始開通和諧貞固不失其宜

正義作自

然能以陽氣始生萬物而得元始亨通能使物性和諧各有其利又能使物堅固貞

民國甲戌

子夏易傳

江都朱氏

三夏易傳

補刊

正得終此卦自然令物有此是以君子法
 四種使得其所以故謂之四德
 乾而行四惡而正義作言聖人亦當法此卦
 存而為元也又當以嘉美之事會合萬物
 令使開通而為亨也又當以義協和萬物
 使物各得其理而為利也又當以貞固幹
 事使物各得其正而為貞也是以聖人法
 乾而行此四德故曰元亨利貞矣正義
 故曰元亨利貞集解
 初九潛龍勿用

龍所以象陽也集解

上九亢龍有悔

亢極也釋文

坤

先迷後得主

先迷後得主也

漢上易傳

屯

初九磐桓

磐桓猶桓旋也

漢上易傳

六二屯如邛如

如辭也

釋文

乘馬班如

乘音繩
釋文

民國甲戌

子貢易專

二江都朱氏

班如相牽不進貌

釋文正義案義海撮要一引相牽不進班如也

訟

无眚

妖祥曰眚

釋文

師

師貞大人吉

集解崔憬引古占法一鄭剛中易窺餘

學易記易象旨

大人王者之師也

集解

比

比吉

象旨引注地得水而柔木得土而疏魏濬古象通引至末

地得水而柔水得土

釋文曰義俱作地

而流比之

象也

釋文作故曰比

夫凶者生于乖爭今既親比

故云比吉也

集解

藝文志攷證

釋文曰訣義

漢

比之初六有它吉也

熊象旨於大過棟隆有他吉下引注非應稱它

非應稱它也

一作非應故稱它

古占

會通

六三比之匪人

處非其位非人道也

漢上易傳

小畜

輿說輶

漢上易傳輿字疑當作車

案此

民國甲戌

子夏易專

三江都朱氏

輻一作軸車劇也正義輶車下伏菟也左傳正義正丹

鉛總錄

九五有孚戀如釋文彎子夏傳作戀

戀思也釋文案古攀字亦作戀見隸釋

碑

北海相景君碑廣漢屬國侯李翊

尙得載晁氏案得德古通用史記項羽本

紀吾為若德漢書作吾為公得晉為

日字或作德戰國韓策毋秦患而德

楚趙策殘亂宋德一本德皆作得

月近望釋文晁氏案晁氏曰古文讀近

為既詩往近王舅是也此實當作既

履

惓惓終吉

惓惓恐懼貌

釋文 口訣義作恐懼之學也

泰

翩翩不富以其鄰

翩翩輕舉貌

釋文案翩翩輕舉亦見偽子夏易傳

帝乙歸妹以祉元吉

帝乙歸妹湯之歸妹也

漢上易傳輯聞困學紀聞

上六城復于墁

釋文墁子夏作墁

墁是城下池也

正義仍引作墁

大有

九二大與以載晁氏

九四匪其旁釋文彭子夏作旁

旁盛滿貌漢上易傳

嗛釋文兩漢刊誤補遺

嗛謙也釋文

六四无不利撝謙

撝謙化謙也言上下化其謙也漢上易傳

豫

六三紆豫悔

釋文吁子夏作紆

朋盍簪

簪疾也

釋文

蠱

先甲三日後甲三日

先甲三日者辛壬癸也後甲三日者乙丙

丁也

集解

象旨子夏傳以癸丁爲言

噬嗑

九四噬乾脯

釋文脯子夏作脯

易窺餘

賁

賁于上園束帛殘殘

釋文 姦姦子夏作殘殘

五匹為束三玄二纁象陰陽

釋文 姦姦子夏作殘殘

復

有災眚

傷害曰妖祥曰眚

釋文

頤

六二頤頤弗經

釋文 拂子夏傳作弗

弗輔弼也

釋文 輔弼

象旨子夏以拂為弗云

其欲攸攸

釋文逐逐子夏傳作攸攸 周易
窺餘 困學紀聞

習坎

湜于叢棘

釋文真子夏傳作湜

離

噦嗟若

釋文噦子夏傳作噦

噦

子六

咨慙也

釋文

下經

咸

柔上而剛下二氣感應以相與止而說男下

民國甲戌

子夏易傳

六江都朱氏

女是以亨利貞取女吉也

婦人學于舅姑者也

漢上易傳說卦引云義與漸女歸吉同

初六咸其拇

釋文拇子夏作跗

九五咸其脢

在脊曰脢

正義象旨脢子夏謂脊肉陳士元易象鉤解脢脊肉也

遯

上九肥遯

肥饒裕也

正義釋文丙子學易編易窺餘易象鉤解

晉

晉如碩鼠

釋文鼯子夏傳作碩熊象亡錫解

明夷

睇于左股

釋文夷子夏作睇

旁視曰睇

釋文鄭陸同云旁視曰睇

用拊馬壯吉

釋文拯子夏作拊漢上易傳

睽

其牛契

釋文掣子夏作契

契一角仰也

釋文仰也徐鉉曰從契省與此訓

同釋文引說文云角一俯一仰簡皆踊齧並與此異

子夏易傳

益

風雷益

雷以動之風以散之萬物皆益

正義海撮要四

夬

擊羊悔亡

釋文牽子夏作擊晁氏

九五莧陸夬夬

莧陸木根草莖剛下柔上也

正義佔畢

學齋

惠

象旨易象鉤解

姤

繫于金鎖

釋文 梔子夏作鑄象旨

以杞苞瓜

釋文 正義子夏傳曰作杞飽瓜

杞梓連抱瓜陰實而蔓生象陰之來綿綿

未已

輯聞 陳士元易象鉤解包瓜子夏作匏瓜

困

九四來茶茶

釋文 徐徐子夏作茶茶

茶茶

音圖 內不定之意 釋文 案荀子大略

云茶古舒字禮王藻諸侯茶前詘後直注云茶讀爲舒遲之舒毛詩荆舒是懲史記作荆茶是徵虞翻本亦作茶茶云舒遲也此及翟元茶音圖云云未詳

名螻蛄色青小形而長蝦蟆名蜃大腹而短腳本本草蛙似蝦蟆而背青綠色尖嘴細腹莊子秋水篇子獨不聞夫以井之志武帝元鼎五年秋蛙與蝦蟆羣鬪是與螻蛄為一物蝦蟆又一物也子夏傳以魚為蝦蟆者王應麟急就篇補注云鰕魚也似鰕色黑而耐寒易井谷射鰕音子夏傳謂蝦蟆又引廣雅鰕鰕也以爲即今之鰕魚案文選注引鄭康成易注云鰕魚言微小也又曰此魚之至小鰕彪國策注亦云鰕魚之小者是鰕又小魚之通稱蝦蟆魚屬故呼蝦蟆爲小魚未聞以鰕魚爲蝦蟆也易象鉤解引同正義

六四井甃无咎

甃脩治也

釋文

正義作亦治也

易象

鉤解引同正義

易象

鉤解引同正義

鼎

其形握

漢上易傳

案戰國策顏觸曰禍必

通字

歸妹

湯之嫁妹也

漢上易五

利幽人

无之

貞

晁氏

六三歸妹以媾

媾媵之妾也

晁氏

象旨

引作娣媵之妾

士刲羊无血

血謂四士刲羊三而无血

漢上易傳

豐

九三豐其芾 釋文沛子夏作芾

芾小也 釋文案此訓本爾雅說文芾作市以爲朱市字玉篇又甫味切云蔽市小貌毛詩蔽芾字皆從艸魏元丕碑亦作蔕芾此芾字讀爲去聲與鄭干本不同

口中見沫

沫星之小者 釋文小星也 古象通沫子夏傳云

旅

得其齊斧 釋文資斧子夏傳作齊斧 丙子學易編 易窺餘

民國甲戌子夏易傳 十江都朱氏

渙

用拚馬壯吉

釋文拚子夏作拚

象旨

拚取也

釋文

中孚

我與爾縻之

漢上易傳縻

象旨縻子夏傳作

既濟

既濟亨

陽已下陰萬物皆成

漢上易傳

婦喪其髻

釋文弗子夏作髻

襦有衣茹

釋文謂子夏化

子夏作茹

未濟

小狐汔濟

坎稱小狐

漢上易傳說卦引

補遺

上九鴻漸于陸

上九九三各處一卦之上故皆言陸陸者

高之頂也

鄭剛中周易窺徐案此條不見偽子夏易傳故錄之

艮爲狗

斗主狗斗止而動艮之象也

玩辭十五

案漢上易中孚六三得敵引子夏易傳三

與四爲敵

又見李氏易解牘義引

義海撮要乾用九

天德不可爲首也引首者事之倡也故聖人之治天下有以誅亂去惡也應之而已非其倡也則天下皆覩聖用九之无首也又本乎天者親上本乎地者親下則各從其類也引聖人在上君子小人各得其親而從其類又或躍在淵自試也引或躍以

進其道行其德又飛龍在天上治也引治
在一人又飛龍乃位乎天德引高明而周
也又坤不習无不利則不疑其所行也引
事至而決何習而後爲故不疑其所行又
訟九四不克訟復卽命渝安貞吉引三柔
附我故從之不能固初之訟又師剛中而
應行險而順以此毒天下而民從之吉又
何咎矣引五天位也以非陽居之或有戰
爭之事能崇任九二之佐則吉又大有九

四匪其彭无咎引柔得尊位而上下咸願
應之以時相親難處之地也能知禍福之
端畏天下之所覩如非在五旁兢以自警
不敢怙恃則无咎矣又未濟六三未濟征
凶利涉大川引力小失位遠應何爲附於
二剛險其濟也又案最要所引凡旁注子
字者俱是子夏不能備錄學易記訟引兩
其情則上剛而下險兼其衆則心險而行
健能無訟乎又頤象曰山下有雷頤君子

以慎言語節飲食引言語者禍福之機飲食者康疾之由古周易訂詁賁六四賁如皤如白馬翰如引得位有應賁而成文故潔其儀白其馬欲翰如而速往也周易象旨決錄大畜有厲利己引居而俟命則利往而違上則厲又鼎巽而耳目聰明引中虛爲耳又九三鼎耳革引次實腹也又繫辭大衍之數五十其用四十有九引太極不用以上所引俱見通志堂所刻子夏易

傳本又張海鵬學津討原有刻本係唐張
弧僞作故不錄入補遺而附錄於此以辨
正之恐後之閱者誤以爲真也又周易窺
餘鼎九二我仇有疾引先儒以仇爲四者
惟鄭虞與子夏傳漢上易五亦引仇爲四
也檢今本子夏傳亦有四以近權惡我專
任怨耦敵我不可以不愼其所行等語疑
亦依約言之案釋文正義所引雖非真子
夏易傳亦當是韓嬰丁寬所傳古義至宋

明人所引多是張弧僞作不可據又泰上
六城復于墁象旨決錄引子夏云基土培
扶乃得爲城陳上元易象鉤解引子夏傳
隍城下池也城之體由基土培扶乃得爲
城否則損壞猶君賴臣輔翼也李富孫易
解賸義引正義子夏傳隍是城下池也城
之爲體由基土培扶乃得爲城今下不培
扶城則損壞以此崩倒反復于隍猶君之
爲體由臣之輔翼今上下不交臣不扶君

君道傾危故云城復于隍案正義引子夏傳止隍是城下池也六字餘皆孔疏象旨決錄誤以正義基土培扶八字作子夏傳而陳氏李氏又錄孔疏全文皆不細檢之故也

案諸書所引指不勝屈不能詳述故畧叙於此以見一斑至張弧偽子夏易傳現存通志堂學津討原各叢書中

漢學堂經解

逆書考

孟喜易章句

甘泉黃奭學

上經

正義序孟喜曰易分上下一二經

夕惕若夤

說文

亢龍有悔

說文案汗簡引占周易同

時乘六龍以御天

天子駕六

正義詩千旄

利之足以和義

釋文利物孟喜作利之

坤

陰疑於陽必戰

陰乃上薄疑似于陽必與陽戰也集解

屯

乘馬驢如

說文案抱經堂釋文攷證說文當作屯如驢如作乘馬者涉下而

誤詳馬融易

泣涕慙如

說文

蒙

再三讀

說文

以往遊

說文案說文
日部亦作吝

九二彪蒙古

彪文也晁氏

小畜

車說輶

說文 晁氏引同 案

履

履虎尾號號恐懼終吉

說文

泰

包荒用馮河

說文

帝乙歸妹以祉元吉

易有周人五號帝天稱一也王美稱二也
天子爵號三也大君者興盛行異四也大
人者聖人明一作德備五也禮記曲禮正義
豫

殷薦

無之字

上帝以配祖考

說文氏引同

晁

噬嗑

噬乾

說文

大畜

僮牛之告

說文

習坎

禕既平說文

離

百穀艸木麋於土說文

日昃之離說文

去亦作如其來如說文

下經案釋文曰無上經七錄云又下經無旅至節無上繫

咸

咸其輔頰舌釋文案古頰字與夾通公羊

谷左氏作夾谷古夾字亦與俠通西嶽華山亭碑士卒俠路洪适曰碑以俠爲夾

恆

楷恆凶說文

晉說文氏曰篆齊古文晉篆文釋文曰晉孟作齊子西反義同晁

明出地上晉說文

矢得勿恤釋文熊過象旨決錄矢孟作矢

明夷

拚馬壯吉說文

箕子之明夷

陰陽氣亡箕子箕子者萬物方蓂茲也漢書

本傳案此蜀人趙賓說云受孟喜喜嘗

名之顏師古曰蓂茲者言其根蓂方滋茂

也釋文引劉向亦云

今易箕子作蓂滋

睽

其牛翬

說文

其人天且剝

說文

損

君子以懲忿悝浴

釋文悝字晁氏曰孟作谷公

銘谷字亦作浴

案隸釋老子

呂事遄往

說文

益

風雷益

雷以動之風以散之萬物皆益

正義以爲與子夏同

莫益之徧辭也

釋文徧孟作徧

■

象旨

徧周帀也

釋文

夬

其行越越

說文

覓陸夬夬

莧陸獸名決有兌兌為羊也

路史疏仁紀注案說文

莧山羊細角者從兔足苜聲讀若丸莧菜也從艸見聲閑旦反孟訓為獸則此字當

從兔足苜聲不從艸見聲

姤

繫于金榆

釋文曰梔說文作榆

升

初六齎升大吉

說文案汗簡引古周易同

困

繫臯

說文

孟氏易

困于葛藟于剝臄

釋文曰臄說文作剝說文作臄

井

舊敝漏

釋文曰雍說文作舊

革

水火相熄

釋文曰息說文作熄

君子豹變其文斐也

說文

鼎

飀飀

案說文引此二字疑出鼎卦故列於此

艮

不承其隨晁氏

豈其限說文

裂其朋晁氏象旨厲熏心鄭剛中易窺餘

歸妹

象曰歸妹以娣无以恆也晁氏

六三歸妹以娣

娣媵之妾也晁氏象旨引作娣媵之妾

豐

日中則稷釋文案稷與吳通尚書日吳不

孟氏易

六

春秋經戊午日下殺
左氏公羊皆作吳

遇其如主

嘉耦曰妃

漢上易傳非切玉篇又音配詳鄭氏易

案妃說文音芳

口中見主

釋文案主今作斗古斗字亦有主音周禮鬯人大喪之大酒設斗

飯釋文曰斗音主

豐其屋

說文案汗簡引古周易同

室其无人

釋文闕孟作室

天際祥也

案經文際字嚴版注疏攷證

天降下惡祥也

集解易窺餘引天降以惡祥

顛說文曰此易顛卦
爲長女爲風者

中孚

自冬至初中孚用事一月之策九六七八
是爲三十而卦以地六候以天五五六相
乘消息一變十有二變而歲復初坎離震
兌二十四氣次主一爻其初則二至二分
也坎以陰包陽故自北正微陽動于下升
而未達極于二月凝涸之氣消坎運終焉
春分出于震始據萬物之元爲主于內闕

羣陰化而從之極于南正而豐大之變窮
震功究焉離以陽包陰故自南正微陰生
于地下積而未章至于八月文明之質衰
離運終焉仲秋陰形于兌始循萬物之末
爲主于內羣陽降而承之極于北正而天
澤之施窮兌功究焉故陽七之靜始于坎
陽九之動始于震陰八之靜始于離陰六
之動始于兌故四象之變皆兼六爻而中
節之應備矣

新唐書志十七一行六
卦議 小學細珠節引

我有好爵吾與爾靡之

好小也靡其也

釋文

月既望

象旨於小畜上九月幾望下云幾孟作既

既望十六日也

晁氏象旨孟作既云十六日

既濟

婦喪其髧

髧鬢髮也

晁氏

需

亦作

有衣絮

說文絮作絮誤六經正誤曰說文作絮

也從糸如聲息據切絮絮組也一日敝絮從糸奴聲易曰需有衣絮女余切釋文亦

孟氏易

引作絜毛以爲
誤未知所據

未濟

小狐汔濟濡其尾

坎穴也狐穴居小狐濟水未濟一歩下其

尾故曰汔濟濡尾

漢上易傳

震用伐鬼方

震敬也

晁氏

下繫

繫辭焉而明之

釋文命之孟作明之

夫乾窪然義文

夫坤退然示人簡矣

釋文隕孟作退

聖人之大保曰位

釋文案保與寶通古保字作保春秋左氏莊六年

經濟人來歸衛俘杜預注曰公羊穀梁

作衛實此傳亦言實唯此經言作疑經

正義曰案說文保從人冡省聲古文保不

省然則古字通用寶或係字與俘相似故

誤作

俘耳

古者伏戲氏之王天下也

釋文包孟作伏

伏服也戲化也

釋文

耒耜之利以教天下

耘除草

釋文子學易編

丙

犮牛乘馬

說文

重門擊柝

亦作橈說文

象也者像也

釋文像衆本並云疑也王肅還作象

天地壹壺

說文

雜而不迭

說文

說卦

參天兩地

說文

燥萬物者莫暎乎離

說文 晁氏引司本離亦作火二

大雅也

爲駟類

亦作昐 說文

爲黔喙

說文 晁氏曰無之屬二字

序卦

飲食必有訟故受之以訟

陰陽養萬物必訟而成之君臣養萬民亦

訟而成之

古占法 困學紀聞 志考證一 易纂言

漢藝文

雜卦

雜亂也

釋文

案禮王制正義引易孟氏說云年二十行役三十受兵六十還兵三句與韓詩說同附錄之

補遺

鼓之以雷霆

音霆則為雷音蜺則為電

熊過周易象旨決錄

附錄

商案惠棟易漢學卷三曰荀九家

子采入木義虞仲翔傳其家五世孟氏之學八卦取象十倍于九家云云然則虞氏逸象亦出孟氏不當專屬虞象今移於此

乾為王

乾為君故為王九家

為神陽為

為人

希凡三案成注乾鑿度曰人象乾德為聖
 而生又云大乙常行乾宮降感而生人
 人五為賢人五故曰二升坤為君子謂九三三
 人為善人乾為善為人故為善為武人剛武
 道春秋外傳為行人為物故主為物為敬九三
 曰天事武為行人為物故主為物為敬九三
 若厲厲說文引作黃黃敬也左傳成季之生
 也筮之遇大有之乾曰同復于父敬如君所
 是乾為威為嚴曰地坎而天嚴為道乾為
 敬也大原出于天故乾為德乾有為性天命
 道彖傳曰乾道變化為德四德為性之謂
 性為信孚也為善屬陽為良故良為愛故愛
 為忿為乾剛武為生為慶慶陽稱為祥也為嘉德

亨者嘉為福為祿為積善為介福大為先

迷後得主為始乾知為知乾以為大陽稱為

盈十五乾為肥故肥為好賈逵曰好為施陽

施為利之一德為清乾為天輕為治乾元用

治為高為宗天尊故為宗天為甲乾綱甲素

始于為老四月乾為舊為古周書周祝曰天

稽古帝堯鄭注云為久則久為畏與威為大

明本為晝為遠虞注謙象曰天為郊之位西北

為野與郊為門乾坤易為大謀坎心為謀乾

謀

為道門為百

乾三爻三十六故百略其奇

傳陳敬仲生周史筮之遇乾之否曰庭實旅

百奉之以玉帛天地之美具焉蓋只為庭實

坤為旅為帛乾為歲為朱故為朱赤為頂與

為百為王也為王故為著數百與乾同白虎通

同為主為王故為著引禮雜記曰著陽之老

義也坤為妣母喪故稱妣為民二民為姓為刑

人刑坤為為小人陰稱為鬼占以坤為鬼門為

尸身喪故為尸為形成為自為我為躬釋

日躬為身釋詁曰為至坤元為安坤主靜故

身也為身身我也為至坤元為安坤主靜故

萬筮仕遇屯之比辛廖占之曰安而能殺杜

預以為坤安震殺也月令晏陰鄭注云陰稱

五十六

十三

安為康猶安也為富大地載禮誥志為財禮運曰

而地為積為聚為重為厚厚德為基為致與

同為用為包為寡故為寡為徐為營坤為句

營通詩江漢來句來宣為下地卑為裕故裕

為虛乾息為盈坤消為虛太元曰陽為書地

文故為書為永坤用六為邇為近如地坤為

身本諸身者最近為思為默為惡好惡之惡

故為通為近也為思為默為惡賈逵曰惡

陰為禮為義周書曰地道曰義乾鑿為事

六三或從王事為類家為閉故閉戶為密兌

為恥為欲坤陰各為過積惡故為醜坤為

元夜以醜之詩中菁之言言為惡惡道屬陰

惟正月之朔隱未作謂建巳為怨為害為終

代之為死為喪坤喪為殺為亂為喪期為積惡

初為冥為晦于月晦為夜為暑冬至後初九乾

至之後三十日極寒故乾為寒夏至如初六

為為乙坤納為年為十年坤數為盍與闔為

戶為闔戶辭繫為庶政于事業故為庶政為大

業辭繫為土為田為邑為國為邦民以土服故

為國為大邦為鬼方為鬼為方為器形而下

器為邦為大為輻故為輻為虎京房易為黃

牛震為帝帝出為主器主為諸侯漢司徒丁恭

封諸侯不過百里故利以建取法于雷逆

禮王度記曰諸侯封不過百里象宙震百里

為人為行人故為行人為士震初為兄為夫

晉語司空季子論屯之震曰一夫之行也韋

昭云一夫一人也震一索而得男故曰一夫

為元夫為行行晉語曰震為作足故為為征猶

也為出三日為逐震為驚止為作東作之義

作起也震為興也猶起為奔為奔走為驚衛為

起故為作

百

論語識曰雷震百里聲相附宋均注雷動

震驚百里何以知之炎曰以其數知之夫陽

一陽動二陰 為言為講為議為問為語為告

故曰百里 為響為音 震為鼓 為應 同聲相應

有諸象 為交為懲為反為後 為長于

無不同時應者 為守 春秋傳大子曰冢子君行為守

為世子 為左 震在卯 為生 震春為生又為緩

社稷 為寬仁 太玄曰三八為木性仁情喜震為春

之心木生于木注云仁生 為樂 春秋繁露曰

于木故惻隱出于自然也 春蠶也 蠶也

然喜樂之貌為笑卦本為大笑為陵震為阪為祭

祭為罔祭器為草莽太玄曰為百穀為百

故為為麋鹿麋鹿善驚震驚之象京房易為

百穀為麋鹿傳曰震遂泥厥咎國多麋為

筐服虔曰震為為趾足也坎為雲上坎為雲為

玄雲為大川為志心志也為謀洪範謀屬水釋

為惕加憂為疑為恤為逃恤逃皆為悔坎心

為涕洟為疾為災為破為罪為悖為欲坎水

為淫坎水為獄坎為叢棘為暴坎為為毒為

虛為瀆瀆瀆為孚為平水性為則則為經六

之為法見左傳太玄曰一為藜坎為藜為聚為

習卦木為美坎為美為後為入為納納古作內

為臀為要為膏坎雨稱膏太玄曰類為陰夜

坎月為三歲坎上三歲不觀為酒為鬼太玩曰類為

陰所為校杜怡為弧為弓彈為穿木杜怡為

民為弟為小子為賢人九為童為童僕為官

為友為道為徑路為時為小狐為狼為碩為

碩果剝卦為慎為順艮為弟善事兄弟故為待

為執為手故為多艮多節為厚為求艮兌同

故為求為薦實見大畜象為穴居為城為宮門關為

庭杜預注左傳為廬為牖為居為舍與居為

宗廟為社稷為星艮主斗斗建十二辰艮為

仲翔注曰離艮為星離為斗艮土值斗九

日非星也朱誤讀虞注耳為斗家易曰艮數

三七九六十為沫星小為肱為背艮為多節故

三三主斗為尾為皮艮為膚翼為命卦本為誥見

為號為商近利市三為隨為處巽陽居

為歸為利近利為同齊平為交為白茅為

草莽為草木剛爻為木為薪為帛為墉為牀

巽木為桑為蛇位在為魚郭璞曰魚者震之

巽干則震廢故仲離為黃六為見相見為飛

鳥體為明而治為光為甲日出甲上為為孕

為大腹為戊戈兵為刀為斧為資斧為矢為

故為孕為戊戎器為刀為斧為資斧為矢為

黃矢馬王亦六離為矢見釋為罔罔若取為

鶴為鳥見左為飛鳥為甕為瓶皆中虛兌為

友講習為朋二陽為刑為剋人兌秋為小為

密為見見雜卦仲翔曰為右兌在西西右也

口助手故為右仲翔云口助為少知取象其

三百三十一乾六十坤八十二震五十坎四
十六艮三十八巽二十離十九兌九 又說
卦巽同者五震為夷夷作專為反生反作反
巽為廣穎廣穎作黃桑艮為指為狗狗作拘
兌為羊 羊作羔

漢學堂經解

逸書考

京房易章句

甘泉黃奭學

上下經

乾

時乘六龍以御天

天子駕六

詩千旄正義
事物紀原

君子體信足以長人

釋文體仁京房作體信

利之足以和義

釋文利物京房作利之

坤

民國甲戌

京氏易

江都朱氏

東北喪朋

女既嫁降父之服臣既仕先公後私

漢上易傳

蒙

九二彪蒙古

彪文也

晁氏

小畜

尙得載

晁氏

月近望

晁氏

泰

帝乙歸妹以祉元吉

易有周人五號帝天稱一也王美稱二也

天子爵號三也大君者興盛行異四也大

人者聖人德備五也

曲禮正義

湯嫁妹之辭曰

無以天子之尊而乘諸侯無以天子之富

而驕諸侯陰之從陽女之順夫本天地之

義也往事爾夫必以禮義

輯聞困學紀聞

否

繫于包桑

桑有衣食人之功聖人亦有天覆地載之

德故以喻

集解

大有

公用享于天子

享獻也

釋文

漢上易六經正誤

謙

鬼神害盈而富謙

釋文

案說文云富備也

云福富也郊特牲云富也者福也富福同義古福字作富又與富形相近慎令劉脩

碑亦云鬼神富謙

六四无不利揮謙

晁氏漢上易傳

上下皆通曰揮謙

漢上易傳

豫

而四時不貸

釋文案古貳字作資五經文

洪範卜五占用二衍貳史記宋世家作衍

資管子如四時之不資皆古貳字經典亦

作貨禮月令宿離不貸注云不差貳

也又無或差貨呂氏春秋貨作貳

殷薦之上帝以配祖考

釋文或通用詩殷其雷彼

釋文云殷音隱隸釋劉熊

碑勤恤民殷亦以殷為隱

六三汙豫悔

釋文汙京房作汙

民國甲戌

三江都朱氏

朋盍摺

釋文舊京作摺象旨同聲云摺今捷字

案陸氏希

隨

王用享于西山

享祭也

晁氏

觀

上賓也

晁氏

上九觀其生君子无咎

言大臣之義當觀賢人知其性行推而貢

之

漢書五行志案經注及各史引易傳文甚多以非章句不入此條九經古義

采之因
附錄焉

剝

六三剝

无之字

无咎

晁氏

六四剝牀以簠

周易窺餘膚京房作簠謂祭器象旨同

簠謂祭器

釋文學紀聞

困

君子德輿

釋文德京作得

復

崩來无咎

釋文朋京作崩舊崩謬從艸案字書無萌字今據盧攷證改

无祗悔

民國甲戌

京氏易

四江都朱氏

祗安也

晁氏

案此祗字及坎卦

補刊

祗既平

從衣作祗唐石經坎卦亦作祗然相沿已久不敢妄改諸家本並同

无妄

大旱之卦萬物皆死无所復望

集解虞翻引

大畜

利涉大川應乎天也

謂二變五體坎故利涉大川五天位故曰

應乎天

集解

頤

觀我揣頤

揣動也

晁氏集韻類篇案揣字書俱引作揣云動也字從土音

果切廣雅釋詁揣動也從手說文無揣字大經正誤亦曰京作揣作揣誤今據廣雅

改

習歆

釋文坎京作歆

歆險也陷也

釋文

水臻至

釋文再也古字乃與仍通臻仍乃也廣雅

義

樽酒簋

句貳用缶

晁氏

內約自牖

內自約束

晁

禪既平

釋文禪京作禪音支

晁氏

離

則大經之嗟

釋文嗟京作經

奈如其來如

晁氏

咸

憧憧往來

釋文憧京作憧字林云憧遲也

大壯

小人用壯君子罔也

壯一也小人用之君子有而不用會通

明夷

夷于左股

釋文夷亦作曠虛刻釋文京作曠

家人

家曰家人嗃嗃未失也婦子嘻嘻失家節也

治家之道于此備矣漢上易傳

睽

後說之壺

釋文弧京作壺象旨京作壺謂二玉離大腹似壺

解

君子以赦過尤罪

釋文宥京作尤

困

九五剿創

釋文剿刪京作剿創案說文創斷也

非

可用汲

言我道可汲而用也

史記索隱卷二十一

王明並受其福

上有明王汲我道而用之天下並受其福

故曰王明並受其福也

史記索隱卷二十一

恭

象曰大人虎辨其文炳也

晁氏

虎文疏而著

漢上易傳

照

其刑劓

刑在頰爲劓

晁氏

艮

不承其隨

晁氏

京氏易

列其朋

晁氏

厲熏心

鄭剛中周易窺餘薰京房作熏

中周易窺餘薰京房

歸妹

歸妹以娣

无以字

恒也

晁氏

六三歸妹以娣

娣媵之妾也

晁氏

象旨引作娣媵之妾

媵之妾

中孚

九二鳴鶴在陰

九二處和體震則震為鶴

漢上易傳

吾與爾劓之

釋文

集韻平聲一

劓劓房從刀

晁氏曰京

字

非是

六四月近望

釋文幾京作近

既濟

繻有衣絮

釋文柳京作絮五經文字

未濟

震用伐鬼方

震敬也

鬼氏

上下繫辭

是故剛柔相磨

相磨相磴切也

釋文

鼓之以雷霆

霆者雷之餘氣挺生萬物也

釋文

易之序也

序次也

釋文

子學易編

辯吉凶者存乎辭

辯明也

釋文

子學易編

辭有險易

險惡也易善也

釋文

易與天地準故能彌綸天下之道

準等也彌遍綸知也

釋文 丙 子參易編

旁行而不留

釋文 流京作留

聖人有以見天下之嘖

釋文 嘖京作嘖

嘖情也

釋文 情本作精今從盧校本

以行其等禮

釋文 典禮京作等禮

吾與爾劓之

釋文 盧刻本靡京作劓

大衍之數五十其用四十有力

象旨節引注 至天之生數

五十者謂十日十二辰二十八宿也凡五

十其一不用者天之生氣將欲以虛來實

故用四十九焉正義義海撮要漢上

筮宗 禮書七十三 羣書

考索別集三 玉海三十六

故再扐而後卦釋文掛京作卦

再扐而後布卦釋文

是故可與酬酢釋文酬案抱經堂攷證云案

後來每互易用之 京氏尚不失其舊

六爻之義易以工釋文貢京作工

聖人以此先心釋文沈京作先

古者伏戲氏之王天下也

釋文包京作伏

伏服也戲化也

釋文

斲木為耜揉木為耒

耜耒下耒也耒耜上句

會通作曲

木也

釋文會通

丙子學
易編

象也者像也

釋文像象本並云擬也京還作象

說卦

日以烜之

烜乾也

釋文

京氏易

為虱

釋文豕京作彘

為柴馬

釋文瘠京作柴

柴馬多筋幹

為遴膏

釋文咨京作遴

為朱足

釋文鼻京作朱
漢上叢說引作末

陽在下

釋文

為矯柔

釋文輶京作柔

為螺

釋文蠃京作螺
漢上叢說

為果墮

釋文
漢上叢說
氏云墮古文墮字
果

雜卦

謙輕而豫范也

釋文

補遺

同人

訟降爲同人

陳士元易象鉤解

反復其道七日來復

剝復相去三十日

漢上易卦圖下

南狩之志乃大得也

動乃見志故曰大得

漢上易四

八卦相盪

以陰盪陽以陽盪陰陰陽二氣盪而成象
又曰盪陰入陽盪陽入陰陰陽交互內外
適變八卦回巡至極則反
漢上易卦圖中
則非其中爻不備

互體是也

漢上易八

二至四爲互體三至五爲約象

因學紀聞
象旨決錄

乾爲首

上文爲頭曰 漢上易九

豐多故也 象旨決錄依京本故下有也字

頭案漢有兩京房所著易傳周易章句周易錯卦周易妖占周易占事周易守林周易飛候周易飛候六日七分周易四時候周易混沌周易委化周易逆刺占災異易傳積算法雜占條例今雖易傳獨存而絕未詮釋經文爲後來錢小之祖釋文于每卦首悉注某宮某世游魂歸魂諸名強合

經義甚非然陳振孫既日用京房說恐覽

書轉疑為漏落不得已姑錄如左

乾卦此八純卦象天坤卦八純卦象地屯卦坎宮二蒙卦離宮四需卦

離卦游訟離宮遊師魂坎宮歸比魂坤宮歸小畜

震卦一履世艮宮五泰世坤宮三否世乾宮三同人

巽卦歸大有魂乾宮歸謙世兌宮五豫世震宮一隨

坎卦歸臨世坤宮二觀世乾宮四噬嗑

艮卦五賁世艮宮一剝世乾宮五復世坤宮一无妄

震卦四大畜世艮宮二頤魂巽宮遊大過震宮遊

坤卦

坎八純卦離八純卦咸兌宮三恒震宮二

震宮二大壯坤宮四晉乾宮遊明夷坎宮道

永人巽宮二睽艮宮四蹇兌宮四解震宮二

損艮宮三益巽宮三夬坤宮五姤乾宮一萃

兌宮二升震宮四困兌宮一井震宮五革坎

四世卦鼎離宮二震八純卦艮八純卦漸艮宮

卦歸妹兌宮歸豐坎宮五旅離宮一巽八純

風象兌八純卦渙離宮五節坎宮一中孚艮

木象兌象澤游世卦既濟坎宮三未濟離宮三

卦遊魂小過魂卦遊既濟世卦未濟世卦

案此出京房易傳專論世應飛伏與經義
無涉陸氏經典釋文取而附於諸卦之下
誤之甚矣說見四庫書提要